







per aromaĵoj z. 2 Provi senkulpigi sin, prezentante agon sub pli ~a aspekto: ~igi *jurrompon* z, *perforton* z, *trompon* z. ~**igaĵo**. Ĉiu el la produktoj uzataj de la virinoj por ~aspektigi sin (haŭt-kremaĵo, pudro, lipruĝo ktp). ~**igist(in)** o. Specialisto pri la arto ~igi virinajn vizaĝojn k korpajn. ~**igejo**. Establo, en kiu oni praktikas la vizaĝ- k korp-masaĝojn, la faltoglatigon, la kosmetikon ktp. ~**arto**. Ĉiu el la artoj, kiuj celas la ~on (arkitekturo, beletro, muziko, skulpto, pentro, kinematografio). ~**etaĝo** z. La unua etaĝo. ~**grajno**. Nigra aŭ bruna makuleto, kiu denaske markas la vangojn aŭ lipojn, k donas al virina vizaĝo ian pikantecon. ~**skribado**. Arto desegni ~ajn literojn: *li donas lecionojn de ~skribado* z.

belfrido . Gvata k alarma turo en flandraj urboj. Kp MINARETO, SONORIL-TURO.

bendo ANST 1 Mallarĝa k longa peco el ia maldika materio (= strio): ~o *el papero, tolo, lado, kaŭĉuko*; ~o *de filmo*; ~etoj *de mumio*. 2  Glata horizontala parto super arkado, pordo ktp. 3  Dika ringo, el kaŭĉuko k tolo, ĉirkaŭnata radon por mildigi la akraĵojn de la vojo: *pneŭmatika, kompakta* ~o. ~1 (tr). Ĉirkaŭvolvi, ĉirkaŭligi per ~o: ~i *al iu la okulojn, la harojn*. ~**segilo**. Segilo konsistanta el fer~o, kies du ekstremaĵoj estas kunnititaj.


Benzino ANST . Nepura substanco, miksaĵo el pluraj nedifinitaj likvaj hidrokarbidoj, ekstraktata preskaŭ nur el petrolo post distilado k uzata kiel solvigilo aŭ kiel brulaĵo en motoroj: *rafinita* ~o (~o vendata en komerco por forigado de grasaj makuloj); ~**stacio** (kie aŭtistoj povas provizi sin per ~o); ~**ujo** (parto de la aŭto, aviadilo ktp., kie estas tenata la uzota ~o); ~**kruĉo** (metallada kruĉo por la transporto de la ~o).

beta. Nomo de la dua litero en la greka alfabeto (= b). Ofte uzata prefikse en vicmontra signifo kun la senco de *dua*. ~**radioj** . Dua speco de radioj emanantaj el radiumo k konsistantaj el negatonoj; aŭ, pli ĝenerale, iuj (negativaj aŭ pozitivaj) elektronoj emanantaj el radioaktiva substanco.

betatrono . Maŝino, en kiu elektronoj, kirlataj en konstanta magneta kampo, estas akcelataj per la kirla elektra kampo elektromagnete induktita de aldona magneta kampo variigata interne de la cirkla orbito de la elektronoj. Kp CIKLOTRONO.

bibliofilo. Amatoro de luksaj aŭ raraj libroj.

bibliofilio. Arto aŭ emo de la bibliofilo.

bicepso . Dukapa muskolo: *braka, femura* ~o.

bido (Sp). Ĉiu el la glob- aŭ olivoformaj pecoj, el ligno, vitro aŭ alia materio, traboritaj per malgranda truoj, tiel ke la infanoj povas ilin surfadenigi por ludo aŭ ornamo.

bideo. Malgranda pelvo, ordinare kun kvar piedoj, sur kiu oni rajde sidigas por lavi la mezan parton de la korpo.


biksŭo (R). Budaisma monaĥo.

biliono ANST Vorto kun internacia formo sed sen internacia signifo: 1 (angla-germana sistemo) Miliono da milionoj (= duiliono). 2 (amerika-franca-itala sistemo) Miliardo. Kp GIGA-, -ILIONO.

biskoto. Tre malpeza k facile digestebla rebakita pantranko.


boaco . Rangifero.

bodisatvo (R). Homo destinita fariĝi budao, sed ankoraŭ ne atinginta la nirvanon.


boko . Virseksulo de remaĉuloj, precipe de kaproj aŭ cervoj.

* **Bovo** ALD ~**okulo**. Ronda fenestro, precipe en la vandoj de ŝipo.

bovlo. Larĝa, duonsfera taso el fajenco aŭ ligno.

bradipo z . Sud-Amerika mamulo el la ordo de ksenartroj, kun tre longaj membroj trifingraj k fortaj ungegoj, kiu vivas pendante k malrapide grim-pante sub arbobranĉoj (*Bradypus*).

brigo. 52-karta ludo, ĉe kiu duopo batalas kontraŭ duopo k, post la eldiro de la anoncoj, unu el la kvar ludantoj ĉesas ludi k estas nomata fantomo.

bromoformo . Senkolora likvaĵo, anestezilo — CHBr₃.